

Schlaraffen hört!

Das NAPtschgerl von der Dreitausendsechshundert achtund sibazgn Sippung.

Quoniam nil nescimus
Schnubiculamus igitur

er is wieda da
wißt's as scho
der schlingschlangl um an hois
wißt's as
der rundumadum
der schlingschlangl AHA

um an hois
um den hois
um den hois vom Schrägophil

dem Schrägophil
dem knutzbambumpara do drobn
drobn auf dem thronawackl

schräg sogt a
ganz schräg
so obiauffischräg sogt a
sog i
mit'm neisitzradlstui
der großschlawuzi
P8 kommt rei
woaßt as scho
von da hint'n rei

aa obi kommt er
vom eysenhammer kommt er
vo do do wo is koid
de Monachia de kriagt jetzt des goid
vom herikules dem oberpfoizschlawackl

drum hod a gsogt
woaßt scho
bevors ausgeht as goid
daad a no was zum essn spendiern
naa koane schtaunperiklettn
und aa koane wurlwaazn

an leberkaas mitm erdapfesalad
gschmeckt hods – merci herikules

aber dann
und jetzt passt auf
dann ham oa gspuid vastehst
auf dene instrumenta gspuid
und wia
auf dem mordsdrum klavier
auf am hiozan flötl
auf zwi zwa zworaloa ziach
und auf da kloanwunzikulo gitarrn

es hod ja ghoassn „Macht Musik“
grad schee wars und gwoand hams
de Leit
oh jeh jetzt hob i den text verwexlt
des mitm woana war bei da leich
mir ham glacht
ois hätt ma schneibizln griagt.

natürle ham aa a paar gred
so pezographisch gred
oiso nix mit dene kloan blatschgerln
dene kloanwunzikulo blatschinschgerln
zwischen dene fimf strichal

aber oa notabenschgerl hob i no
de do drübn
de schlawuzlschlinglschlackl
woaßt scho
de großadligen honorischlackl
habn iatzt a eigens
a plimerdatschnplemperdurisches
a eigens Alzheimer Eck

auf dera schpleitn kennas dann
eahnare plimperdatschn aufi schmiern

schnubiglbairisches lulu